



ŽENSKI FOND U BIH

ZAJEDNIČKA INICIJATIVA

SARAJEVSKI
OTVORENI
CENTAR

CURE

U SARADNJI SA

ma
ma
cash

POZIV ZA DOSTAVLJANJE PONUDA

za izradu studije izvodljivosti za ŽENSKI FOND U BOSNI I HERCEGOVINI

Period angažmana: 1.7.-31.12.2014.

Prijave primamo do: 28.06.2014.

Ovim putem objavljujemo konkurs za angažiranje konsultanta/kinje (ili konsultantskog tima) za izradu studije izvodljivosti za ŽENSKI FOND U BOSNI I HERCEGOVINI (radno ime fonda; u daljnjem tekstu ŽFBiH). Istraživanje se provodi u okviru zajedničkog projekta Sarajevskog otvorenog centra i fondacije Mama Cash. Izrada studije izvodljivosti dio je inicijative koju su pokrenuli Fondacija Cure i Sarajevski otvoreni centar.

IMPLEMENTIRAJUĆE ORGANIZACIJE

Sarajevski otvoreni centar je nezavisna, nestranačka i neprofitna organizacija koja zagovara puno poštivanje ljudskih prava i smanjenje nivoa diskriminacije na osnovu spola, roda, seksualne orijentacije i rodnog identiteta. Sarajevski otvoreni centar je organizacija koja osnažuje žene i LGBT osobe kroz aktivnosti u zajednici, promoviše ljudska prava žena i LGBT osoba, te zagovara promjene legislative i politika, kao i primjenu postojećih politika. Vidi više na www.soc.ba

Fondacija Cure je feminističko-aktivistička organizacija koja djeluje za jednakost spolova, zalažući se za pozitivne društvene promjene putem zagovaračkih, obrazovnih, umjetničko-kulturnih i istraživačkih programa. Fondacija Cure je organizacija profesionalaca/ki i volontera/ki koji/e izlaze na ulice u znak javnog protesta protiv nasilja, diskriminacije, kršenja zakona i osnovnih ljudskih prava, te organizira performanse protiv nasilja i poziva umjetnike/ce, naučnike/ce, edukatore/ice, aktiviste/ice i građane/ke na akciju i konkretan lični doprinos za kreiranje boljeg bosanskohercegovačkog društva. Vidi više na www.fondacijacure.org

O PROJEKTU

Međunarodni/e donatori/ke i partnerske organizacije podržavaju ženski aktivizam u različitim oblastima. Značajan broj donatora/ki i partnerskih organizacija napustio je Bosnu i Hercegovinu ili će otići u sljedećim godinama. Razlike koje se odnose na pristupe resursima i informacijama između ženskih organizacija u regionalnim centrima i organizacija u ruralnim sredinama, bitno utiču na rad i razvoj organizacija. Finansijska sredstva samo u ograničenom obimu dosežu do ruralnih područja, i često nisu dostupna ženama iz deprivilegovanih grupa. Skoro da i nema podrške ženskoj angažiranoj umjetnosti i naučnom radu žena. Kako bismo se suočili sa ovim

izazovima, od velikog značaja je kreiranje nezavisnog i održivog lokalnog mehanizma za finansiranje ženskih organizacija i aktivizma.

Kroz ovaj projekat cilj nam je da se *provede istraživanje i izradi studija izvodljivosti za osnivanje fondacije – Ženskog fonda u BiH*. Sarajevski otvoreni centar i Fondacija Cure su samo pokrenuli ideju izrade studije izvodljivosti, dok bi se u proces osnivanja fondacije uključile i druge organizacije i osobe, prepoznate kao one koje poznaju prilike u ženskom pokretu u Bosni i Hercegovini. Ukoliko dođe do osnivanja fondacije ŽFBiH, ni Sarajevski otvoreni centar ni Fondacija Cure neće imati pravo da apliciraju za finansijsku podršku kod fondacije.

Na osnovu naše procjene, *ŽFBiH bi se u budućnosti mogao baviti*: a) izgradnjom kapaciteta ženskih organizacija, b) dodjeljivanjem grantova organizacijama koje rade na pravima žena, i c) sopstvenim programskim aktivnostima (npr. kampanje, zagovaranje, izdavaštvo).

ŽFBiH bi mogao da djeluje u sljedećim oblastima: a) podržavanje rada ženskih organizacija u ruralnim sredinama i manjima gradovima, b) podrška programima i projektima koji tematizuju prava žena iz depriviligovanih grupa (i.a. Romkinja, žena sa invaliditetom, lezbejki/bi/trans* žena) i b) podrška ženske angažirane umjetnosti i naučnog rada žena.

OPIS RADNOG ZADATKA I OČEKIVANI REZULTATI

Odabrani/a konsultant/kinja (ili konsultantski tim) biće zadužen/a za izradu studije izvodljivosti za osnivanje ŽFBiH. Studija izvodljivosti, između ostalog, bi trebala da *odgovori na sljedeća pitanje*:

- kakve su organizacione i finansijske potrebe ženskih organizacija, sa fokusom na organizacije u ruralnim sredinama, organizacije koje tematizuju prava žena iz depriviligovanih grupa (i.a. Romkinja, žena sa invaliditetom, lezbejki/bi/trans* žena) i organizacije koje se bave pitanjima angažirane ženske umjetnosti i naučnog rada žena?;
- na koji način podržati kreiranje održivih struktura unutar ženskih organizacija i neformalnih grupa?;
- da li postoje razlike između potreba ženskih organizacija u ruralnim i urbanim sredinama, i u čemu se očituju?;
- da li postoje razlike u potrebama ženskih organizacija iz depriviligovanih grupa i onih koje to nisu?;
- kako se treba podržati ženska angažirana umjetnost i naučni rad žena?;
- na koji će se način sredstva za ŽFBiH prikupljati i raspoređivati?;
- koji je najzahvalniji oblik registracije ŽFBiH? (predložiti najmanje 2 scenarija);
- koja tijela ŽFBiH treba osnovati kako bi funkcionisao efikasno, transparentno i održivo?; i
- na koji način će ŽFBiH izvještavati o svom radu?

Istraživanje će biti provedeno na osnovu jasno definisane *metodologije*, koju predlaže odabrani/a konsultant/kinja (ili konsultantski tim). Pored metode *desk research*, istraživanje uključuje, između ostalog, i *intervjue*. Istraživanje će biti jednako provedeno i u ruralnim i urbanim područjima BiH.

Istraživanje će biti participativno i uključiće *konsultacije* sa: ženskim organizacijama, predstavnicima/ama drugih organizacija koje se bave ljudskim pravima, donatorskim organizacijama, predstavnicima/ama institucija vlasti, akademskim radnicima/ama i istraživačima/cama.

Za vrijeme provođenja istraživanja i izrade studije izvodljivosti odabrani/a konsultant/kinja (ili konsultantski tim) može računati na *podršku osoblja* Sarajevskog otvorenog centra i Fondacije Cure. Podrška podrazumijeva: dostavljanje kontakt podataka osoba koje će biti dio istraživanja, ustupanje postojećih istraživanja, ustupanje prostora za sastanke i druge aktivnosti, a na upit konsultanta/kinje (ili konsultantskog tima).

Outputi istraživanja su:

- sadržaj istraživanja;
- plan istraživanja;
- metodologija i metode istraživanja, sa instrumentima za provođenje predloženih metoda;
- spisak predloženih ključnih aktera/ki za konsultacije;
- prvi nacrt studije izvodljivosti;
- drugi nacrt studije izvodljivosti;
- završni sastanak sa odabranom grupom ključnih aktera/ki u svrhu verifikacije nalaza;
- finalni nacrt istraživanja – finalni tekst studije izvodljivosti (ca. 30 stranica i .ppt prezentacija).

Finalni tekst studije izvodljivosti treba da sadrži, između ostalog, sljedeće elemente:

- informacija o kontekstu: stanje prava žena, društveni kontekst, ključni akteri, izazovi, ženski aktivizam u kontekstu bh. civilnog društva, i slično;
- procjena potreba;
- procjena prilika; i
- preporuke.

Sav proces će biti vođen na bosanskom/hrvatskom/srpskom i engleskom jeziku. Svi proizvodi (finalni dokumenti) moraju biti dostavljani na obje jezične varijante.

VREMENSKI RASPORED

Istraživanje će se provesti u periodu od 01.07. do 31.12.2014. godine.

Do 01.08.2014. odabrani/a konsultant/kinja (ili konsultantski tim) treba dostaviti dopunjen:

- sadržaj istraživanja;
- plan istraživanja;
- metodologija i metode istraživanja, sa instrumentima za provođenje predloženih metoda.

Nakon što implementirajuće organizacije odobre predloženi nacrt istraživanja, počinje faza istraživanja. *Prva verzija studije izvodljivosti* se najkasnije 15.10.2014. dostavlja implementirajućim organizacijama, koje će do 01.11.2014. poslati svoje komentare na istu. *Druga verzija studije izvodljivosti* se najkasnije 20.11.2014. dostavlja implementirajućim organizacijama, koje će do 01.12.2014. poslati svoje komentare na istu. Prije dostavljanja finalne verzije studije odabrani/a konsultant/kinja (ili konsultantski tim) organizovaće *završni sastanak* sa odabranom grupom ključnih aktera/ki u svrhu verifikacije nalaza. Lista osoba koje će biti pozvane na završni sastanak mora biti odobrena od strane implementirajućih organizacija.

Finalna verzija studije izvodljivosti (u word-formatu), na engleskom i bosanskom/hrvatskom/srpskom jeziku, sa prezentacijama na oba jezika u .ppt formatu, biće dostavljena do 31.12.2014.

PRIJAVA

Na konkurs se mogu prijaviti *konsultanti/kinje (ili konsultantski timovi)*. U slučaju timova, u prijavi treba jasno naglasiti ko je odgovorna osoba tima, te u radnom planu (vidi dole) detaljno definisati uloge pojedinih članova/ica tima.

Konkurs je otvoren za konsultante/kinje (ili konsultantske timove) iz Bosne i Hercegovine, Crne Gore, Hrvatske i Srbije. Konsultanti/kinje (ili konsultantski timovi) moraju ispunjavati *sljedeće uslove*:

- odlično poznavanje prilika vezanih prava žena, ženski pokret i ravnopravnost spolova u Bosni i Hercegovini (dokazi o vođenju projekata u navedenim oblastima);
- relevantno istraživačko iskustvo vezano za prava žena (dokazi o objavljenim radovima i/ili istraživačkim aktivnostima);
- relevantno iskustvo u provođenju studija izvodljivosti (primjeri dosadašnjih studija); i
- odlično znanje engleskog jezika.

Nema standardnog formata za prijavu.

Prijava bi trebala sadržavati *sljedeće dokumente*:

- curriculum vitae konsultanta/kinje (ili svih članova/ica konsultantskog tima) - EU format, sa detaljnim informacijama o iskustvu u oblasti u kojoj se raspisuje konkurs;
- plan istraživanja u kojem je jasno definisana metodologija izrade studije izvodljivosti;
- prijedlog budžeta koji je izrađen po jasnoj metodologiji (prijedlog budžeta sadrži informaciju o svim troškovima koji su vezani za ispunjavanje radnog zadatka); i
- sve ostale dokumente koji potkrepljuju kvalifikacije konsultanta/kinje (ili članova/ica konsultantskog tima).

Prijave se šalju u formi jednog PDF dokumenta. Prijava se dostavlja **najkasnije 28.06.2014.** na mail dina@soc.ba, sa jasnim predmetom e-maila «*Prijava na konkurs – ŽFBiH*». U svrhu odabira najbolje ponude biće formirana tročlana komisija, koja će odgovoriti samo na ponude koje ispune gore navedene uslove i dostave potpunu prijavu. Ukoliko se ne javimo do 07.07.2014, možete računati da Vaša ponuda nije odabrana.

NAČIN UGOVARANJA

Nakon odabira konsultanta/kinje (ili konsultantskog tima) sklapa se ugovor o djelu. Nakon potpisivanja ugovora, isplaćuje se 50% od ugovorenog neto honorara. Nakon dostave prve verzije studije izvodljivosti isplaćuje se dodatnih 25% od ugovorenog neto honorara, a ostalih 25% se isplaćuje nakon što ugovarač odobri finalnu verziju studije.

KOMUNIKACIJA

Za sva dodatna pitanja možete nas kontaktirati putem e-maila sasa@soc.ba, kontakt osoba Saša Gavrić, Sarajevski otvoreni centar.